

Anjou Andegavensis Ducatus.

Anjou Ducatus habet Comitatus, Baronias, Dominia, ut Graon qua nec dum inveni, aut distinguere potui, Homagium sive fidem clientelarem illi præstant hi Comitatus *iv*, Maine, Vendosme, Beaufort, la Val.

Iurisdictio.

Sedes Præfidiæ totius Ducatus est Angiers, sub qua sunt particulares sedes iuridiciales Angiers, Saumur, Baugé & Beaufort en Vallee.

Status Ecclesiasticus.

Vnum habet Episcopum Andegavensem, Angiers; Turonensis Archiepiscopo subiectum.

Ducatus Andegavensis.

Anjou

Regio.
Situs.

Soli fertilitas.

Imperium majorum.

Sequitur in nostra Methodo Ducatus Andegavensis, la Duché d'Anjou. Huius Provinciæ populus Cæf. Andes, Plinius Andegaves appellat. Incipit ab Vico Chousay, finemque accipit inter Moncontour & Herrant, ubi initium Pictaviensis Territorii, quod illi ab Meridie: versus Orientem confinia sunt Turonensium & Vindocinorum: ad Septentrionem Comitatus qui vulgo Maine & la Val: ad Occidentem denique Britanniam attingit. Regio fertilis & amœna magis quam ampla. Colles ibi Vitibus passim confiti, valles Silvis Saltibusque viridantes: læta Prata: Ericeta gratissimum pecori pabulum præstantia: Vina hicalba, notæ nobilissimæ, vulgo Vins d'Anjou. In summa quicquid huic vitæ usui esse potest, hæc Provincia suppeditat. In nonnullis etiam huius Provinciæ locis illud genus Lapidis cœruleum & fissile effoditur, quo Templorum ubique ædiumque tecta contra cœli iniurias muniuntur: Ardoises vernacule vocantur. Rex Chilpericus, occiso Comite Paulo, Andegavensem urbem obtinuit: suisque eam posteris reliquit, Franciæ Regibus: quorum Carolus Calvus Superiorem quidem provinciæ partem Torquato (alii aliter vocant) dedit, reservato sibi supremo in eam jure: Inferiorem autem Eudoni Parisiorum Comiti, cuius ex fratre Ruperto Comite Andegavensi Duceque Celticæ Nepos, Hugo Magnus eam largitus est Fulconi, Torquati ex Ingelgero filio, Nepoti. Fulconi ordine successerunt Fulco *i*. Gotefridus vulgo dictus Grissonella, Fulco *iii*. Gotefridus, *ii*. Fulco *iv*. Fulco *v*; qui Hierosolymorum Rex fuit, post Balduinum cujus Filiam ipse viduus duxerat uxorem: Gotefridus denique *vi*. Brabatus, cui sociata fuit Machthildis, Henrici *i* Angliæ Regis F. Huius Filii, Henricus quidem Rex fuit Angliæ, ejus nominis *ii*. Andium vero comites Gotefridus *vi* & Gulielmus: quos quum paricidiali bello victos terris suis pepulisset Frater Rex, Filios natu maiores in Angliæ Regno, Gotefridum autem *vi* *ii*. in Comitatu Andegavensi successores habuit. Gotefridi filio Arturo Comiti, Britanniaque per matrem Duci, bellum movit Patruus Ioannes Angliæ Rex. Fecerat jam Arturus Homagium, ut loquuntur, & fidem Principatus